

進賢縣志

第五冊

卷九

賦役

浮糧始末

艾乃馨

進賢縣志卷之九

賦役

浮糧始末

順治四年巡撫江西監察御史吳贊元

題爲民力重困賦役宜均敬陳輿情仰祈

聖監事竊照江西一省於天下爲至貧而南瑞袁於江西爲至苦何者以土瘠而糧重也蓋他郡額課輕重交適其平惟此三府以元末僞漢陳友諒割據倍徵明朝因循未經釐正如所稱僞將歐祥以三升鄉斗誤作十升官斗造報及查瑞州府志載糧壹拾貳萬伍千明冊則貳拾貳萬肆千零矣甚且水推沙塞貽累虛糧逋欠難完敲朴取足官民交困職此之由今

進賢縣志

卷九

賦役

一

熙朝起運

聖治維新凡前朝無藝弊政當自更定况三郡率先歸化又經歷歲荒殘皆屬黎民何忍偏枯不救目今清丈田畝不及此時嚴實改正仍一概取盈舊額恐非我

皇上勤政恤民之盛心也故敢以目擊情形代爲請

命臣會同撫臣章合詞具題伏乞

勅部案查他郡每畝額賦若干俾三郡照則輸納更行清丈各官履畝清查毋泥舊數其水拔沙塞者個當盡與開除其有近山易旱近水易淹歲常不收者卽原係上山亦當改爲輕則庶

殘喘可以更生而

聖仁普施無既矣

戶部題覆江西按臣吳贊元具

題前事奉

聖旨戶部知道欽此到部臣等看得江西於天下爲至貧而南
瑞袁三府於江西爲至苦誠有如按臣所言者但該省新經臣
服賦役正在裁定似應姑照舊例徵收俟賦役告成另爲頒示
可也奉

聖旨是

江西巡撫蔡士英 題覆瑞袁二府浮糧緣由爲清汰浮糧以

進賢縣志

卷九

賦役

二

甦民困以廣

聖政事看得袁瑞二府郡縣介在山阜聯亘之區土壤素稱沙
瘠提封悉屬山隘中多不毛之土其地之可耕者皆山之畔而
澗之濱求其沃野平原實無幾焉夫以此磽角之區可耕者旣
窄而科糧偏重者蓋緣瑞屬三縣自明初姦民黎伯安妄徵爵
賞以僞寇陳友諒索餉倍徵之冊抱獻故耳遂爲定額今雖灰
燼之餘無冊籍之可據幸瑞郡志書尚存考其田糧則元至治
間共編糧壹拾貳萬伍千柒百肆拾餘石迨後少有增減猶額
載科糧貳拾貳萬肆千肆百肆拾壹石至今相沿者卽此舊明
全書之數也臣再稽其戶口元至治間編戶壹拾肆萬肆千玖

百伍拾有肆至明宏治間僅戶柒萬肆千貳百肆拾有肆矣自元至明田糧額增一倍戶口逃亡一半夫向以拾肆萬之戶完拾貳萬之糧而後以柒萬戶之民而完貳拾貳萬之糧此輕重之數難易之形固自昭然可見者若袁郡四邑偏重之故亦由袁郡鄉斗與官斗有不同因明初僞將毆祥歸附之時投獻冊籍誤以三升之鄉斗報作官斗之十升今欲證之元明二代之冊籍蓋年以數更疊罹兵火無存亦幸獲明之志書其所載重賦頓末昭然可證查其田糧均係一則每畝科至一斗陸升柒捌合不等較之接壤之境如臨之新喻上則田每畝科糧玖升叁合吉之安福上則田每畝科糧柒升貳合夫以一地之進賢縣志

卷九

賦役

三

土而賦稅重輕竟至倍相懸殊此尤易見之事也再稽袁之戶口在宋崇寧間編戶壹拾叁萬貳千貳百玖拾有玖迨至明宏治間止存陸萬陸百壹拾玖矣其逃亡減損之數亦與瑞州相等此二郡之志班班可考按戶口之數自元宋至明宏治間已消亡過半而自宏治迄今又經數百餘載近來屢當兵焚驚散瘟癘傷亡其中消耗之戶又不知凡幾而額載之糧總未減毫末夫人愈少而賦愈覺其重則錢糧愈覺其難完所以年復一年轉相拖欠民徒受其敲朴官徒受其降罰散離相枕溝洫時盈究之亦何補於

國賦也此在曩昔承平之時尤多積逋從無完期故牧斯土者

會以六分考成尚不能如期如式蓋無土而糧誠巧婦所難爲矣今我

皇上親政以來洞切民隱諮諏博訪百度維新更令 覲臣各陳利弊與民更始此右布政使莊應會巡南道僉事安世鼎以身親目覩之大累而爲應

旨求言之直陳也倘沐

皇恩大沛

洪慈軫恤二郡三百年之積苦將瑞屬之糧貳拾貳萬肆千之浮數仍復宋元壹拾貳萬伍千之原額袁屬之糧每畝壹斗陸升柒捌合之誤科減照新喻上則田每畝玖升叁合之實賦庶見在予遺得以安心茲土後來生聚必至盡力正供田野日闢國賦日增實大有裨益豈淺鮮哉奉

聖旨着議奏該部知道

江西右布政使司王廷奏爲遵例敬陳南昌浮糧遺累事切臣以謏劣不才備員藩末職司錢糧方懼催徵不前上負

功令萬不敢以蠲減不切之務無知竇陳惟是江西地瘠民貧有數百年重困久已上達

天聽羣沐

恩施尚有南昌一府未盡蒙 恩恐遲久不爲控陳將終無以邀

睿鑒有不政不具 聞者切惟江西浮糧一事緣明初南昌袁瑞三府俱爲僞漢陳友諒竊據方友諒用兵不貲比錢糧加徵於宋元舊額過倍明太祖因惡友諒抗違三府浮糧未經減除以至終明之世相沿拖欠先是順治四年按臣吳贊元訪察該地情形首以三府浮糧奏

聞部覆俟賦役告成另爲頒示遵行在案至順治九年右布政莊應會入 覲卽以浮糧陳言因止投有袁瑞二府呈揭而南昌糧額旅邸無稽遂先以袁瑞二府請

命繼而江西撫臣蔡 亦據陳言所及止以袁瑞二府題覆隨奉

進賢縣志

卷九

賦役

五

俞旨豁免刊載全書南昌之民痛其浮糧苦累與袁瑞二府同事同情歷經控陳又伏恭逢

皇恩現查明前朝有無一方仇怨錢糧加重等款此尤與相符者查舊志南昌府內除武寧一縣係陳友諒生身之地原無浮派糧不開外其寧州南昌新建豐城進賢靖安奉新凡一州六縣原額苗稅米壹拾伍萬玖千壹百壹拾伍石零明末舊全書額載官民等米共肆拾陸萬貳百陸拾玖石零現今相沿明額凡一州六縣分編折色糧差地畝等銀叁拾萬叁百叁拾叁兩零計浮銀壹拾玖萬伍千壹百貳拾貳兩零又分編本色漕南米貳拾貳萬玖千柒百伍拾壹石零計浮本色米壹拾肆萬玖

千壹百叁拾壹石零惟此浮之數志書可憑武寧一縣未經加浮糧者原額可較且順治四年按臣之原題可據臣早夜思維方今軍需煩費如此浮糧銀米何敢輕言但

朝廷浩蕩仁恩非淺衷所可意量且前朝因仇怨地方加重錢糧尚奉行查謹此瀝陳伏乞

皇上軫念一方之重困再行

勅部確查南昌各屬浮糧額數一體施仁或其銀米浮數過多酌量寬減或目前軍需尚繁俟錢糧充裕之口舉行使南昌一府之民終有沾沐

皇恩之一日

進賢縣志

卷九

賦役

六

國家仁政仁心永昭千萬禩矣奉

旨該部議奏

戶部題覆案查江西浮糧先該前任右布政使莊應會奏稱袁瑞二府浮糧臣部於順治十一年三月內覆奉

旨減免欽遵在案南昌府屬既係浮糧應與袁瑞二府一同具奏何遲至今日始行具奏其各項編賦役全書俱照萬曆年間則例開徵既久無容再議者也奉

旨南昌浮糧果否與袁瑞二府相同着察明具奏

戶部又題覆右布政使王廷奏稱南昌府屬寧州一州南昌新建豐城進賢奉新靖安六縣計浮銀壹拾玖萬伍千壹百貳拾

貳兩零浮米壹拾肆萬玖千壹百叁拾壹石零既係浮糧先日何不與袁瑞二府一同彙題何得至今始行具奏且臣部無志可稽難以懸議今應請

勅該督撫備查元季明季編科緣由果否與袁瑞二府同事同情有無確據備查明白具奏以憑覆請定奪可也奉

旨依議行

江西總督張朝璘謹

題爲遵例敬陳南昌浮糧遺累事據江西布政司余應魁詳稱看得江西一省地瘠民貧所屬十三府田糧起科原不相遠其南昌與瑞州袁州三府糧額特重者緣先僞漢陳友諒竊據地進賢縣志

卷九

賦役

七

少兵多重斂倍徵明初用之而未改也士民歷控清汰未免因循爲成額所拘止官以六分考成民以六分報完遇實蠲於虛額之中未嘗不蒙矜恤之意究之終明之世官無報最民鮮報完此浮糧之徒累亦久矣幸我

朝鼎定順治四年間前按院吳御史俯察輿情洞矚荼苦首以三府浮糧

上聞部覆俟賦役告成另爲頒示奉有

俞旨存部五年省鎮金逆叛變一郡人民經賊屠戮有存者皆遠逃異鄉九年莊右轄入

覲時瑞哀以地遠人遙未甚經兵故牘多存具備呈揭隨因陳

言人

告南昌以人民未盡歸集誌牘播遷無稽所以未得並陳前蔡撫部院止據陳言所及以瑞袁二府題覆卽邀

浩蕩迨後

皇恩屢布除荒豁欠之

旨日下又各上司仰體好生曲盡撫綏故南昌士民樂歸有土誌牘復出南瑞袁同一壤土俱爲僞漢所據浮糧本同一體有誌可考有前按院題疏奉

旨之案可憑恭遇

上諭詢察明朝仇怨地方錢糧科重情由是以王右轄目擊民

進賢縣志

卷九

賦役

八

隱據實奏明實有不忍見聞不得不哀鳴者也幸奉

俞旨行查元季明季編科緣由果否與瑞袁二府同事同情有

無確據緣由隨經道府州縣確查回報覓有府志本司細查宋

時賦役備載南昌縣稅苗米叁萬捌千柒百捌拾肆石肆斗陸

升至明額共米壹拾貳萬陸千捌百貳石貳斗貳升捌合玖勺

內比宋額浮米捌萬捌千壹拾柒石柒斗陸升捌合玖勺按明

額每米壹石細算銀伍錢柒分叁釐肆毫伍絲玖忽陸微肆纖

共該編折色差糧地畝等銀柒萬貳千柒百壹拾伍兩玖錢陸

分捌毫照以明額銀數科算內實比宋額多浮銀伍萬肆百柒

拾肆兩陸錢叁分捌釐貳毫按明額每米壹石細算本色米肆

斗陸升叁合伍抄玖撮叁圭玖粟貳粒共該編本色米伍萬捌
千柒百壹拾陸石玖斗陸升叁合照以明額米數科算內實比
宋額多浮本色米肆萬柒百伍拾柒石肆斗伍升肆合伍勺新
建縣宋額稅苗米貳萬貳千伍百伍拾貳石肆斗柒升伍合內
職田米壹千叁百伍拾玖石貳斗伍合至明額共米陸萬叁千
陸百柒拾石柒斗貳升壹合內比宋額浮米肆萬壹千壹百壹
拾捌石貳斗肆升陸合按明額每米壹石細算銀陸錢壹分捌
釐捌毫肆絲捌忽捌微共該編折色糧差地畝等銀叁萬玖千
肆百貳兩伍錢伍分肆釐肆毫照以明額銀數科算內實比宋
額多浮銀貳萬伍千肆百肆拾伍兩玖錢捌分貳釐壹毫按明
進賢縣志

卷九

賦役

九

戊戌補刻

壹石細算本色米伍斗叁勺叁抄玖撮肆圭貳粟共該編本色米陸萬壹千叁百玖拾貳石貳斗陸升陸合伍勺捌抄照以明額米數科算內實比宋額多浮本色米肆萬叁千捌百陸拾伍石貳升壹合貳勺進賢縣宋額稅苗米壹萬柒千陸百玖拾肆石玖斗柒升至明額共米肆萬捌千叁百伍拾石陸斗陸升柒合伍勺內比宋額多浮米叁萬陸百伍拾伍石陸斗玖升柒合伍勺按明額每米壹石細算銀柒錢柒分肆釐叁毫陸絲肆忽貳微壹纖共該編折色糧差地畝等銀叁萬柒千肆百肆拾壹兩貳分柒釐壹毫照以明額銀數科算內實比宋額多浮銀貳萬叁千柒百叁拾捌兩陸錢柒分伍釐陸毫按明額每米壹石細算本色米陸斗捌勺柒抄柒撮肆圭叁粟伍粒共該編本色米貳萬玖千伍拾貳石捌斗貳升伍合肆勺玖抄照以明額米數科算內實比宋額多浮米壹萬捌千肆百貳拾石叁斗壹升柒合叁勺奉新縣宋額稅苗米貳萬貳千伍百伍拾貳石肆斗柒升伍合內職田米壹千叁百伍拾玖石貳斗伍合至明額共米伍萬叁千柒拾石叁斗壹升玖合玖勺內比宋額多浮米叁萬伍百壹拾柒石捌斗肆升肆合玖勺按明額每米壹石細算銀陸錢壹分叁釐貳毫壹絲伍忽陸微捌纖共該編折色糧差地畝等銀叁萬貳千伍百肆拾叁兩伍錢伍分貳釐肆毫照以明額銀數科算內實比宋額多浮銀壹萬捌千柒百壹拾肆兩

貳分壹釐壹毫按明額每米壹石細算本色米肆斗玖升玖合
柒勺貳抄貳撮伍圭柒粟陸粒共該編本色米貳萬陸千伍百
貳拾石肆斗叁升柒合壹抄照以明額米數科算內比宋額多
浮米壹萬伍千貳百伍拾石肆斗伍升陸合壹勺靖安縣宋額
稅苗米柒千伍拾石肆斗陸升貳合至明額共米壹萬肆千貳
百捌拾伍石貳斗貳升柒合陸勺內比宋額浮米柒千貳百叁
拾肆石柒斗陸升伍合陸勺按明額每米壹石細算銀捌錢壹
分柒釐叁毫貳忽玖微玖纖伍沙共該編折色糧差地畝等銀
壹萬壹千陸百柒拾伍兩叁錢伍分玖釐壹毫照以明額銀數
科算內實比宋額多浮銀伍千玖百壹拾貳兩玖錢玖分伍釐
進賢縣志

卷九

賦役

土

壹分壹釐伍毫按明額每米壹石細算本色米陸斗伍升陸合
柒勺捌抄壹撮共該編本色米貳萬陸百壹拾伍石捌斗肆升
壹合肆勺伍抄照以明額米數科算內實比宋額多浮米壹萬
肆百叁石玖升叁合壹勺以上該府屬除武寧外六縣一州宋
額稅苗米壹拾伍萬玖千貳百壹拾伍石貳斗伍升貳合陸勺
貳抄內職田米貳千柒百壹拾捌石肆斗壹升明額官民扣改
并夏稅新陞牛租等米共肆拾陸萬貳百陸拾玖石陸斗壹升
玖合叁勺實比宋額浮米叁拾萬壹千伍拾肆石叁斗陸升陸
合陸勺捌抄見沿明額編折色糧差地畝等銀叁拾萬叁百叁
拾叁兩陸錢玖分陸釐陸毫照糧算浮折色銀壹拾玖萬伍千

壹百貳拾貳兩玖錢捌分陸釐柒毫除浮外該徵折色銀壹拾
萬伍千貳百壹拾兩柒錢玖釐玖毫見共編本色漕南米貳拾
貳萬玖千柒百伍拾壹石伍升叁合陸抄照糧算浮本色米壹
拾肆萬玖千壹百叁拾壹石柒合除浮外該徵本色米捌萬陸
百貳拾石肆升陸合陸抄查武寧係友諒生身之地科糧依然
宋額七州縣之倍加重斂不問可知而順治四年前按 題疏
今之所獲誌書確爲憑據與瑞袁二府同事同情又不問可知
矣再查全書武寧上田壹畝科米伍升肆合零南昌上田壹畝
科至壹斗伍升肆合零此又彰明較著者惟是南昌歷明三百
年雖六分考成之時尚不能完敲朴徒斃今例十分全徵且奉

撥餉有司惟遵

功令嚴比更不能顧惜民命在有司無敢緩徵在百姓無敢緩納皆緣浮糧之苦此誠目擊心傷不容旦夕隱忍而不告者也幸遇

皇仁如天又奉

上諭查詢明朝讐怨地方錢糧科重緣由此誠洞見萬里視民如傷之至意仰祈憲臺民隱痼痲俯念南昌與瑞袁同事同情察覈志書確據亟賜覆題請將南昌浮糧減照宋朝實額保固邦本生全萬姓宏我

皇上輕徭薄賦之政普被元元萬世銜恩矣等因到臣據此該

進賢縣志

卷九

賦役

十三

臣等會看得南昌府浮糧經右布政使王庭入奏奉

旨行查元季明季編科緣由果否與瑞袁二府同事同情有無確據仰見我

皇上念切痼痲愛民之至意也臣卽行據布政司會同守巡二

道確查前來南昌爲元末僞漢陳友諒竊據地少兵多橫斂倍

徵明季相沿未改積苦三百餘年果與袁瑞二府同事同情順

治四年間前按臣吳 曾將南昌瑞州袁州三府浮糧同疏具

題在部可稽今又有南昌志書開載宋元糧額可考是則見在

編審之確據也第因順治九年間右布政司莊應會止攜袁瑞

二府呈揭人告而前撫臣蔡 又止就二府查明

題覆故南昌一府尚未得同邀浩蕩之

皇仁耳今備查志書南昌一府除武寧係友諒生身之地原無浮外其餘一州六縣共浮銀壹拾玖萬伍千壹百貳拾貳兩零本色米壹拾肆萬玖千壹百叁拾陸石零此有志書開載之鑿鑿可據也伏乞

皇上軫念一方民困已極將此浮糧與瑞袁二府懇賜一視同仁則萬民咸沐

皇仁世世無疆矣除送志書送部查考外臣謹會同江西撫臣並 合詞具

懇伏乞

進賢縣志

卷九

賦役

十四

呈上睿鑒勅部議覆施行奉

旨該部知道

戶部題覆案袁瑞二府浮糧先經前撫蔡覆查

題奏臣部具奏奉

旨減免欽遵在案今南昌府屬浮糧查與袁瑞二府事同一體其所浮銀米似應請減但歷年舊額相沿已久事關錢糧臣部未敢擅便伏乞

睿裁奉

旨袁瑞二府浮糧既經減免這南昌府浮糧也著照二府例行

江西總督張朝璘 題覆部查漕糧陳有諒之時原無係明季

始行解京何得云彼時陳友諒加增米石果否在加浮數內等因行據該司道會看得江西浮糧原因元末僞漢陳友諒割據南瑞袁三府地狹兵多糧餉不敷厚斂重徵橫行加派每銀米一倍者加至三倍及友諒事敗而有老人黎伯安妄將加徵冊籍抱獻明太祖兼以明太祖仇怨友諒悍服遂按加派銀米之數流爲實徵以至三府重困三百餘年積苦莫伸幸於順治十一年間瑞袁二府浮加銀米奉

俞旨准與減免刊載全書遵行徵解在案惟時南昌府屬除武甯縣係友諒生身原無浮糧外南昌等七州縣加浮銀米未得與瑞袁同題告徵減免雖屢據士民呼哀紛控祇切民瘼之思進賢縣志

卷九

賦役

十五

戊戌補刻

及奉

上諭凡一切明朝仇怨錢糧加重等款准與入告遂據右藩王庭入

覲援例具題奉

旨行查又經本部院會疏具

題奉

旨南昌浮糧照瑞袁一例減免已經分晰各部等起存銀米各款造冊呈詳在案茲奉本部查議漕米陳友諒之時原無係明季始行解京何得云彼時陳友諒加增米石果否在加浮數內奉行到司就經移行糧道及南昌府屬南昌等六縣甯州一州

查報去後今據各回報前來俱稱糧從田出米從糧編額糧浮則銀米俱浮額米減則銀米俱因而減大抵錢糧在今日分爲銀米起解而在當日皆無非本色折色錢糧本色者照米徵收以爲官役俸食兵糧之用折色者折銀徵解以爲採買解京物料之需但友諒時雖無漕糧而明季解京漕糧者皆友諒當日加派本色之米也明季始行解京亦皆因友諒加派本色而改爲解京之用耳是減浮之數無非實照宋元之額徵較爲準繩而并不敢虛冒以干

功令也總之明季解京漕糧計糧起科見有浮額者卽陳友諒加增米石之數也況瑞袁所浮銀米俱蒙減免而南昌府奉

進賢縣志

卷九

賦役

六

戊戌補刻

旨照袁瑞減免何敢獨異以負

朝廷減免之恩本司道不敢虛冒以滋愆亦不敢留浮以遺困合應激切詳覆俯賜咨部以甦積困永戴

皇仁於不朽矣據此臣等會同看得南昌府屬浮糧原因僞漢陳友諒橫行派徵加增銀米明朝相沿未改民困三百餘年其始末情由先經備查

題覆荷蒙

皇恩准照袁瑞一例減免臣等一奉部文卽大張榜示曉諭官民一時積苦殘黎莫不歡呼載道矣其應減各項錢糧已經分晰起存銀米細數造冊題報部覆核確應免銀米自貳年爲始

遵奉在案惟是漕米一項部臣議查係明季始行解京何得云彼時陳友諒加增米石果否在加浮數內恐有虛冒請

勅臣等再行細查明確具奏此正部臣慎重錢糧之至意也臣等遵奉卽嚴確行查今據該司道會詳前來臣等備查解京漕米雖起於明朝然從陳友諒加派浮糧銀增而米亦俱增以致有此浮米相沿而南昌等七州縣明朝漕米有若此之多也是此漕糧加增米石實在友諒加浮數內當日糧增則銀米皆增今日糧減則銀米皆減毫無虛冒情弊於其間也况瑞袁二府浮糧已沫

皇仁銀米概爲減除刊載全書徵解已久而南昌府屬浮糧業進賢縣志

卷九

賦役

七

俞旨照袁瑞二府一例減免其銀米曷敢懸異統祈

皇恩一視同仁以甦殘黎積困則沾沐

浩蕩鴻恩世世無疆矣臣謹會同江西撫臣董 合詞具

題伏乞

皇上勅部議覆行臣等遵奉施行奉

旨該部知道

戶部題查減免錢糧數目甚多該省總督巡撫屢經具題看得比宋元朝數目倍浮加徵臣部實無憑稽查且自明朝以來徵收年久錢糧關係重大臣等未敢擅便將銀米數目并先後具

覆事理一併備悉具 題伏候

上裁奉

旨係自洪武時所行甚久之事這減免不准行

江西南昌府七州縣士民李琦等呈爲浮糧偏困復沉南民逃
亡幾盡瀝血號 天亟賜 題拔上終

皇恩下救殘命事竊惟國家首重無過於財賦而財賦必賴民
生而出 朝廷深仁莫踰於 恩減而

詔旨尤爲恩減所憑從未有

詔旨旣頒而恩減復爾中移者亦未有民生不保而財賦猶能
取足者切念南昌一郡從來地瘠民貧宋元糧額科派適平冤

進賢縣志

卷九

賦役

七

遭僞漢陳友諒割據兵繁恠將南瑞袁三府浮加數倍先明因
怒寇讐遂爾相沿未改然曩時承平日久徵則甚輕官以六分
考成民以六分足額雖有浮名究無實害逮及

熙朝定鼎悉照浮數全徵南瑞等郡受困尤深故順治四年前
按院吳 洞悉情形首以三府浮苦特疏入告彼奉有俟賦役
告成另行減免之

旨繼後順治十年巡撫蔡 以右藩奏稱袁瑞二府浮苦備將
情由覆題請減久奉

世祖皇帝恩允至今欽遵在案爾時南昌赤子因遭金逆屠變
驚棲無定民隱莫陳以致未得與疏同邀

浩蕩及際康熙元年欽奉

上諭凡前朝仇怨地方或一處科糧太重等弊許卽陳言查豁
彼蒙右布政司王庭入

覲復將南昌浮苦循例具陳節經部覆查核果與袁瑞二府浮
糧同事同情解有宋元舊志在部存案鐵證康熙二年已奉
俞旨袁瑞二府浮糧旣經減免這南昌府浮糧也着照袁瑞例
行咨移督撫曉諭士民煌煌

天語炳若日星業經頒發由單改正賦役減以二年爲始合屬
歡呼動天詎料前戶部蘇駿查漕米忽爾中更七邑復罹倒懸
萬姓驚聞膽落新徵舊欠交迫一時可憐殘黎竭盡終歲之收

賢縣志

卷九

賦役

九

難完全徵之半以至買鬻旣空妻兒莫保康熙四年又奉
上諭凡關國計民生應興應革事宜許據實陳奏改正勿以爲
已經奉

旨之事瞻顧因循

蟻

郡沉困正合此情彼時士民京省交控雖

蒙叠准在案至今望恩無門數年以來瘡痍尤甚剝肉而肉已
盡變產而產莫售嗟此骨枯髓竭之民斃於杖下者不可勝數
慘茲啼饑號寒之輩散往四方者動盈萬千人民逃亡旣衆田
地拋荒愈多南新奉靖無不皆然寧進豐城尤爲殆甚但守令
之官於茲土者因畏考成欲報逃亡而不敢且續報拋荒而又
不敢只得隱忍而不言致窮黎之僅存故鄉者盡受波連包賠

宗族而未已更包暗里隣而尤未已究竟盡竄而後休似此慘累聞之寒心若必終欲取盈而不亟行題投竊恐將

天臺前此撫莅西江多方招徠之衆盡致空虛求存一分而不可得勢必令

朝廷後來編徵南郡若干銀米之數無處催收僅足減額而且不能無補國計徒累民生蠶等凋瘵予遺處火熱水深之中自揣有死無生故數千里奔匍不憚捐軀以號泣

天臺仁慈總轄膺救焚拯溺之任定能回天轉日豈億萬姓生命忍置膜外於不聞况今

皇上御極以來元年有查豁前朝仇怨地方科糧大重之

進賢縣志

卷九

賦役

三

旨二年有袁瑞浮糧既經減免這南昌也着照例行之

旨四年復有凡關國計民生許據實陳奏勿以爲已經奉旨瞻顧不言之

旨幾番

聖諭如天何難推廣

皇仁剴切爲民請命且我南民遭浮之苦前此有按院具題民力重困久經部覆候減之案繼此有督撫奏覆袁瑞同加浮累業奉

先帝准減之案後此又有右藩遵例檄陳屢經督府查確將舊志解部奉

旨着減之案節次

綸音批允豈比他方重賦謾無成跡可憑泣懇

仁天哀憐無告俯念同病之袁瑞旣沐恩蠲何至南昌之百姓獨苦向隅詳察緣由痛陳苦楚懇切具疏援例請減宏聖祖未竟之深仁擴我

皇屢頒之前旨救拔一方生全萬姓俾流離轉徙猶得復返其室家庶土宇版章亦賴以永安其維正矣造福無疆益國不小如謂國用浩繁則酌量題減之法在

大臺自有救時權宜非小民所敢妄陳也具呈

總督江南江西郎 蒙批仰江西布政司會同糧道守巡二道

進賢縣志

卷九

賦役

三

確查妥議通報浮糧緣由冊併發

江西南昌府一州六縣民胡獻龍等

奏爲民累均起於僞漢

皇恩獨漏於南昌冒死披瀝懇祈

勅部詳查豁免以昭一視之

仁以解萬姓倒懸事竊惟江西土瘠民貧倍於他省至受毒最深且久猶未有浮糧之在南昌一屬也蓋南昌與袁瑞三府遭陳友諒割據兵餉不支虐民橫派每米壹石加至三倍明初削平僞漢有老人黎伯安希圖爵賞妄將橫加冊底抱獻明祖遂以爲據照冊徵輸流毒三百餘載積苦莫伸至

聖朝定鼎刪除苛政幸覩天日於順治二年間蒙巡撫吳贊元目覩積苦將三府加浮錢糧題明請減至順治十年袁瑞二府士民號呼隨蒙巡撫蔡士英特疏 題減戶部覆准奉旨減免在案爾時南屬子遺原依省郭而居因企逆叛變逃避外省未及同時呼籲故未得與袁瑞二府同題邀恩至康熙元年恭逢

上諭凡一切明朝仇怨錢糧加重等款准與入告有右布政司王庭朝

覲在京備將南昌府屬浮糧苦楚援例具陳奉

旨行查已蒙督撫查明舊志實與袁瑞二府同情合疏具題部覆奉有袁瑞二府浮糧既經減免這南昌府浮糧也着照袁瑞

二府例行之

旨欽遵榜示曉諭士民萬姓歡呼咸慶更生遵行已經一年後因部行攢造應減銀米數目清冊督撫查明分晰款項具題內有應減漕米一項又蒙部駁漕米陳友諒加增米石果否在浮糧之內其中恐有虛冒亦不可定請

勅督撫再行確查具奏又蒙督撫疏稱備查解京漕米雖起明季實係友諒加添糧銀而米亦與之俱增今糧減則銀米當從糧而并減此必然之理實無虛冒等因題覆彼時戶部未查前案未閱志書猝以減免錢糧該督撫屢經具題比宋元倍浮加

徵臣部實無稽查等語致復奉有不准行之

旨切念袁瑞二府浮糧旣蒙減免而南昌一府浮糧均係偽漢陳友諒當日同加應與

聖恩今日同減但袁瑞俱照宋元志書扣減而南屬舊志炳然何謂實無稽查且武寧一縣係友諒生身之地而友諒施惠糧銀不行加派至今田賦仍照宋元舊額志書徵輸鑿鑿有據而志書解部可考是宋元之舊額可以稽查夫武寧亦南昌屬邑卽將武寧一縣額徵之數較之是糧之浮與不浮又彰然明著矣若非友諒橫加虐民焉有同府州縣而糧額豈容低昂若此雖洪武至今行之已久然明季從無十分全完之糧亦寬按年

進賢縣志

卷九

賦役

三

考成之例所以歷年拖欠無裨實用今

本朝功令森嚴錢糧不容逋欠在官懼於考成勢必盡法催徵何能爲民少寬在民苦於敲朴始而變產業繼而鬻妻子今則售鬻已盡惟有皮骨僅存總之浮糧減百姓得生浮糧不減則民無生路康熙四年三月內恭逢

上諭求言本年四月內具呈戶部批司說堂在案屢年陳控督撫司道俱批在卷未蒙代題又康熙五年十一月內復控戶部頃未蒙准今五月初三又奉

上諭各省人民多有失所疾苦窮困深可軫念一切民生利病應行應革事宜著各抒確見勿隱但不許無益於民之事借端

陳奏煌煌

天語遠邁唐虞臣等已于本年五月十七日具控戶部未蒙准題七月初六日具本通政司初十日具狀鼓廳俱未蒙准代題況南屬浮糧爲累最大爲害最深伏乞

勅部確查果否與袁瑞二府同浮開

恩一例同減俾

皇恩不至於偏施而堯仁永戴於萬世矣

戶部題覆勅該督撫嚴查明確據實具題在案江南江西總督郎廷佐謹

題爲民累均起於僞漢

進賢縣志

卷九

賦役

三

皇恩獨漏於南昌冒死披瀝懇祈勅部詳查以昭一視之仁以解萬姓倒懸事看得江西地瘠而賦重近惟南昌爲甚南昌袁州瑞州三府緣元末明初被僞漢陳友諒竊據地少兵多糧無所出遂橫徵科斂加派浮糧倍於宋元舊額故明因係仇怨地方相仍未改延至三百餘年積逋無完疲苦已不堪命矣逮我朝定鼎以來於順治四年按臣吳贊元巡歷江省採訪輿情首以南瑞袁三府浮糧困苦情由具疏人

告部覆俟賦役告成另爲頒示至順治九年間江西右布政司莊應會入

覲時因南昌省會遭金逆叛變之後士民流離未集志書無稽

故止將袁瑞二府浮糧陳言而前撫蔡士英又止據陳言所及其疏 題覆是以彼時袁瑞二府遂邀減免之

思而南昌一州六縣徒有向隅之泣逮康熙元年右司王庭稔知南昌與瑞袁二府同事同情而南昌之民獨當困苦緣於入覲之際比例陳情荷沐

皇恩洞悉民隱

勅令督撫確查旋經前江西督臣張 會同江西撫臣董 查明舊志與袁瑞二府同浮應與袁瑞二府同減部覆奉

旨袁瑞二府浮糧既經減免這南昌府浮糧也着照袁瑞二府例行欽此欽遵榜示士民在案嗣因部臣駁查漕米而減免遂

進賢縣志

卷九

賦役

三

致中更是南民之積累甫甦復困仍泣向隅胡獻龍等不憚跋涉之遙匍匐叩

關蓋亦勢所萬不得已也前奉部覆以事關錢糧請

勅臣與撫臣嚴查 明確據實具

題再議臣准部文 隨即移行確察茲據該司道回覆前來臣查南昌府屬共計六州縣內除武寧一縣係陳友諒生身之地原

無派浮外其餘一州六縣實共浮銀壹拾玖萬伍千壹百貳拾

貳兩零實共浮本色米壹拾肆萬玖千壹百叁拾壹石零蓋糧

從地出米由糧編額糧加則銀米俱加額糧減則銀米俱減此

不易之理南邵浮糧節經 部覆果係與袁瑞同事同情且有

原繳之舊志在部可考又有武寧一縣未經加浮者可較况南
瑞袁三府同係明初所行之事同係志書足憑則南昌府浮糧
與袁瑞二府相同可知臣謹遵 部文查明據實具 題應否
一例減免合聽部議請

旨定奪者也臣謹會同江西撫臣董 合詞具

題伏乞

皇上睿鑒勅部議覆行臣等遵奉施行

戶部議覆查該督撫疏稱該府一州六縣共浮銀壹拾玖萬伍
千壹百貳拾貳兩零共浮米壹拾肆萬玖千壹百叁拾壹石仍
與前無異且徵收年久應仍遵不准減免之

進賢縣志

卷九

賦役

三

旨無庸另議胡獻龍等應行議處但事在康熙六年十一月二
十六日

赦前相應免議可也奉

旨依議

浙江道御史熊一瀟謹

題爲遵諭敬陳南郡浮糧遺累疾苦最深仰祈

勅部酌議蠲減以沛萬載之

皇恩以拯一方之民命事臣惟我

皇上代天子民無事不以加惠元元爲念將各省之蠲租近畿
之賑濟普天兆庶均在

皇上雨露中矣茲復軫念民生疾苦特

諭部院科道諸臣共圖拯救將切實裨益之處各抒所見明白
陳奏大哉

王言正小民水火更生之日也臣於江西南昌府屬浮糧聞見
最真其疾苦最甚謹仰體

宸衷一備陳之伏察臣鄉南昌府與袁瑞二府俱因陳友諒割
地稱兵橫行加派較宋元舊額每米壹石浮至三倍明太祖惡
友諒抗拒三府浮糧未經減除以致故明數百年來相沿抗欠
民苦之極幸逢我

朝定鼎於順治二年按臣吳贊元以三府浮糧具題請減至順
進賢縣志

卷九

賦役

三

戊戌補刻

治十一年撫臣蔡士英覆行題請彼時袁瑞二府已荷

天恩蠲免而南昌一府獨未邀恩康熙元年江西布政司王庭
朝 覲來京備將南昌府浮糧苦累入告隨蒙行察該省督臣
張 撫臣董 悉將加浮始末緣由具疏題請奉有袁瑞二府
浮糧既經減免這南昌府浮糧也著照二府例行之

旨嗣因部察浮糧米石以爲減數太多遂爾中格後民人胡獻
龍等合詞叩

關伏蒙行察該省督臣郎 撫臣董據實請減部察亦未准行
是

恩綸之浩蕩已頌而部議之施行未逮若不能不耑待我

皇上特恩之下沛者臣伏察江右夙稱地瘠民貧又經逆賊金聲桓叛亂之後閭閻之蓋藏已盡室家之生聚甚稀他郡小民竭蹶勤動正賦尙苦難完何況南郡之民浮糧繁重三倍他郡又何以堪今日之財盡力窮顛連困苦未有甚於此地也臣思近畿眞保二府恭遇我

皇上親行巡幸目擊民艱以一年之災異非常咸蒙

恩蠲恤而臣鄉獨處在數千里外以數百年之浮糧苦累莫獲蠲除萬姓喁喁翹首待澤則遠倣袁瑞同情之例近邀眞保一視之仁天地覆載之宏必無有遺此一方之赤子者矣臣仰見我

進賢縣志

卷九

賦役

三

戊戌補刻

皇上如天之仁遠軼唐虞臣若以條奏本鄉民生疾苦恐蹈狗情之愆瞻顧因循不敢入告是臣下負言責上負皇上求言之意罪莫大焉爲此冒昧詳陳伏乞

勅部備察督撫案及藩司諸臣前後各疏詳加酌議或應全蠲或應量減請

旨特賜施行則殘黎積困得以少甦數百年之疾苦頓除而億萬姓之恩施無斁矣如果臣言不謬恭候

睿鑒施行奉

旨該部知道

巡撫裴率度乞減浮糧疏爲奏聞事該臣看得南昌府屬浮糧

一案蒙

皇上特恩勅部議覆行令比照隣府州縣徵收銀米酌量減免其應裁徵銀米數目造冊具題到日議行等因到臣臣卽檄行布政司糧道遵照去後今據布政使石成焘督糧道費金吾詳稱南昌府七州縣原額地畝等銀叁拾萬叁百叁拾叁兩陸錢零內加浮銀壹拾玖萬伍千壹百貳拾貳兩九錢零原額漕米貳拾貳萬玖千柒百伍拾壹石伍斗零內加浮米壹拾肆萬玖千壹百叁拾壹石零今遵部行查隣府瑞州最爲切近且係奉減浮糧之郡應將南昌新建豐城進賢奉新原浮數多五縣比照瑞屬高安之例酌減寧州靖安原浮數少之二州縣比照瑞進貢縣志

卷九

賦役

五

請減所浮米石仍照舊徵輸庶國帑與倉儲無缺而小民之積困均甦仰懇

皇上特沛

恩給俾南昌郡七屬黃童白叟世世子孫頂祝

皇恩於億萬斯年矣

府志

部議減浮疏戶部爲奏

聞事江西清吏司案呈江西巡撫裴率度奏前事於雍正元年

十月十九日奏

硃批

諭旨該部議奏欽此欽遵該臣等查得江西巡撫裴率度奏稱

進賢縣志

卷九

賦役

三

南昌府糧額加浮起自陳友諒竊據南昌袁州瑞州三府時除武寧一縣係友諒生地未曾加派其餘三府均有浮糧順治二年按臣吳贊元題明請減順治十年袁瑞二府先經士民呈訴督撫據題已遞減免在案南昌續請於康熙元年蒙

聖祖仁皇帝諭旨照袁瑞二府一例減免已欽遵榜示後內部

駁漕米加浮無憑稽查又議不准相沿至今恭逢

皇上御極之初士民紛紛環籲僉稱

聖主體恤窮民剔除積弊無微不至此事無由上達

大聽仰懇一疏同仁臣伏思錢糧重大額賦豈易更張但南昌

浮糧實與袁瑞一例當蒙

皇仁浩蕩破格施恩等因前來查順治十年據江西右布政使莊應會奏稱瑞袁二府科糧獨重議清浮糧與各府相准一案部覆具題奉

旨這浮糧積久重困一方應從原額清汰着令該督撫飭該府縣官確遵減免無得踵襲混徵有辜德意欽遵在案康熙元年據江西右布政使王庭疏稱南昌府屬爲陳友諒竊據錢糧加徵浮於宋元志書除武寧縣係友諒生身之地原無浮糧其南昌新建豐城進賢奉新靖安寧州等一州六縣共浮折色銀壹拾玖萬伍千壹百貳拾貳兩零共浮本色米壹拾肆萬玖千壹百叁拾壹石零此志書開載鑿鑿可據等語部議南昌府屬浮

進賢縣志

卷九

賦役

三

糧與袁瑞二府事同一體其所浮銀米似應請減等因題覆奉旨袁瑞二府浮糧既經減免這南昌府浮糧也著照袁瑞二府例行欽此在案續據該督撫將免過糧米細數造冊題報部駁漕糧陳友諒之時原無係明季始行起解何云陳友諒加增米石等因題覆奉

旨係自洪武時所行甚久之事這減免不准行遵行在案又康熙十三年據江西布政使劉樾奏稱南昌一郡浮糧奉部駁查漕糧一項雖不始於友諒但友諒加浮之時銀米俱增彼時加米用以養兵故明因之用爲漕糧名雖不同而加浮則一是漕糧名色不起於友諒之時而實在友諒加浮之內等語部議各

項編徵錢糧賦役全書俱照萬歷年間例開徵並無加浮將布政使劉捷所奏毋庸議等因題覆在案今江西巡撫裴率度奏稱南昌浮糧實與瑞袁一例當此

皇仁浩蕩破格施恩等語是南昌府浮糧與袁瑞二府事同一例自應均邀減免但康熙元年江西右布政使王庭奏稱南昌等一州六縣共浮銀壹拾玖萬伍千壹百貳拾貳兩零共浮米壹拾肆萬玖千壹百叁拾壹石零今備查南昌府屬現在實徵地畝銀叁拾萬柒千叁拾捌兩零正改兌米壹拾叁萬陸千玖百玖拾石零加四耗米伍萬肆千柒百玖拾陸石零若減去浮糧只剩下地畝銀壹拾壹萬貳千餘兩若減去正改兌漕米則加四耗米亦隨減免而南昌府一州六縣以致漕米盡無況武寧向無浮糧之縣尚有應徵漕米其南昌等一州六縣豈可漕米全無且該撫摺內並未將應徵銀米若干之處明白分晰不便遞議應令該督撫比照隣府州縣徵收銀米酌量減免其應減應徵銀米數目分晰造冊具題到日議行可也奉

旨依議

府志

戶部爲奏

聞事江西清吏司案呈江西巡撫裴率度題前事於雍正二年三月十九日題四月十七日奉

旨該部議奏欽此欽遵該臣等查得江西巡撫裴率度以南昌

府屬浮糧一案據布政使石成栽督糧道費金吾詳稱南昌府七州縣原額地畝等銀叁拾萬叁百叁拾叁兩陸錢玖分零內加浮銀壹拾玖萬伍千壹百貳拾貳兩玖錢捌分零原額漕米貳拾貳萬玖千柒百伍拾壹石零內加浮米壹拾肆萬玖千貳百叁拾壹石零今遵部行查隣府瑞州最爲切近應南昌新建豐城進賢奉新五縣比照瑞屬高安之例酌減寧州靖安二州縣比照瑞屬上高之例酌減通共該減銀壹拾伍萬壹千玖拾玖兩零但爲數太多應請減一半銀柒萬伍千伍百肆拾玖兩零外存實徵銀貳拾貳萬肆千柒百捌拾叁兩零共該減米壹拾壹萬伍千肆百柒拾叁兩零但爲數太多應請減一半米伍

萬柒千柒百叁拾陸石零外存實徵米壹拾柒萬貳千壹拾肆石零等因造冊具豁前來臣查瑞袁二府加浮銀米雖奉全免但額賦銀兩關係重大何敢比照全請減免應如該司等所議酌減浮銀一半至漕糧歲有常供更難請減所浮米石仍舊徵輸庶國帑與倉儲無缺而小民之積困均甦等因會同江南江西總督查具題前來查該府既稱南昌府屬之南昌新建豐城進賢奉新五縣比照瑞屬高安之例酌減寧州靖安二州縣比照瑞屬上高之例酌減但爲數太多應請減半至漕糧歲有常供更難請減所浮米石仍舊徵輸等語應如該撫所請除所浮米石仍舊徵輸外其南昌等七州縣所減浮銀一半柒萬伍

千伍百肆拾玖兩零之處相應准其減免以雍正二三年爲始行令該撫飭南昌等七州縣遵照奉行毋得混行苛斂併遍示曉諭使窮鄉僻壤疊沐

皇恩永歌樂土仍將南昌等七州縣額徵科則每畝應減起存若干實徵若干逐一分晰造冊送部查核可也奉

旨依議

府志

部議減浮疏臣等議得江西巡撫俞兆岳奏稱南昌府屬浮糧一項已蒙

世宗憲皇帝覃恩減免而此內尚未盡豁除者謹剖晰原委伏祈

進賢縣志

卷九

賦役

三

聖明洞鑒自昔陳友諒竊據南昌袁州瑞州三府除武寧縣係其本籍未曾加派其餘盡有浮糧加爲養兵之用明季相沿爲額銀歸起運米作漕糧恭遇我

朝順治年間袁州瑞州二府士民先行呈訴督撫具題隨將袁屬浮銀柒萬捌千捌百伍拾壹兩零浮米陸千捌百捌拾陸石零瑞屬浮銀伍萬柒千貳百壹拾柒兩零浮米伍萬伍千叁百玖拾石零照數全豁訖惟南屬之南昌新建豐城進賢奉新靖安寧州等七州縣共浮銀壹拾玖萬伍千壹百貳拾貳兩零浮米壹拾肆萬玖千壹百叁拾壹石零未經減免至雍正元年經前撫臣裴率度奏稱減免部議令該督撫比照隣府州縣徵收

銀米酌量減免其應減應徵數目分晰造冊具題到日再議等因當卽行據前布政使臣石成我前糧道臣賈金吾會查南昌之際府惟瑞州府最爲切近應將南昌新建豐城進賢奉新五縣比照瑞屬高安之例酌減寧州靖安二縣比照瑞屬上高縣之例酌減七州縣通共該減銀壹拾伍萬壹千玖拾玖兩零該減米壹拾壹萬伍千肆百柒拾叁石零之內再行酌減一半銀柒萬伍千伍百肆拾玖兩零減一半米伍萬柒千柒百叁拾陸石零等因造冊詳送撫臣裴率度僅如該司道等所請減浮銀一半其米石照舊徵收會同督臣具題經部覆准減免一半浮銀柒萬伍千伍百肆拾玖兩零於雍正二年閏四月十八日奉

進賢縣志

卷九

賦役

三

旨依議欽此在案是南昌府屬州縣旣已減去浮銀柒萬餘兩有奇臣何敢冒昧再爲陳請但查南昌與袁瑞二府則壤成賦均宜一例今田畝耕作無異糧賦多寡懸殊彼此相形難免向隅之嘆仰請

聖慈比照雍正二年高安上高二縣酌定之數將南昌等七州縣前次未免一半浮銀柒萬伍千伍百肆拾玖兩零

恩賜全免至於漕米關係糧運未便輕議全免似應請照前議只減一半米伍萬柒千柒百叁拾陸石零餘仍徵輸兌運抑臣更有請者臣自入境以來士民遮道攀訴指稱大江坍陷沙糧賠累艱難臣卽宣揚

聖諭言無微不燭早知沙地有賠糧之苦

諭令督撫查明豁免百姓皆歡聲震地鼓舞而散查此項應免之額如蒙

恩允臣卽親身丈量核實確數另行題報理合一併奏

尚等因前來查康熙元年江西布政使臣王庭請將南昌府屬浮糧比照袁瑞二府一例酌減一案經臣部議覆以加浮銀米年遠無憑稽查等因具題奉

旨係自洪武時所行甚久之事這減免不准行欽此遵行在案後於雍正元年前撫臣裴率度奏稱減免臣部議覆行令該督撫比照隣府州縣徵收銀米酌量減免旋據督撫奏稱南昌府

進賢縣志

卷九

賦役

三

屬之七州縣比照瑞屬高安上高之例按則核算酌減通共該減銀壹拾伍萬壹千玖拾玖兩零米壹拾壹萬伍千肆百柒拾叁石零爲數太多應請減一半銀柒萬伍千伍百肆拾玖兩零一半米伍萬柒千柒百叁拾陸石零但漕糧歲有常供更難請減所浮米石仍舊徵輸等因經臣部以所浮米石有關糧運仍舊徵輸外其所減一半浮銀柒萬伍千伍百肆拾玖兩零准其減免等因題覆奉

旨依議欽遵在案今該撫奏稱南昌與袁瑞二府則壤成賦均宜一例田畝耕作無異糧賦多寡懸殊彼此相形難免向隅之嘆仰請

聖慈比照雍正二年高安上高二縣酌定之數將南昌等州縣前次未免一半浮銀柒萬伍千伍百肆拾玖兩零

恩賜全免至於漕米關係糧運未便輕議全免似應請照前議只減一半米伍萬柒千柒百叁拾陸石零餘仍徵輸兌運等語查南昌府屬米石業經前撫題請減免浮糧案內以漕糧歲有常供飭令仍照舊徵輸今若復行減半徵收是以歲需之項必致虧缺應將該撫所請減免浮米之處毋庸議至浮銀一項前撫臣裴率度題請比照高安上高二縣科則業經酌減一半浮銀柒萬伍千伍百肆拾玖兩零其餘一半浮銀柒萬伍千伍百肆拾玖兩零歸入正額徵收在案今該撫雖稱未免一半浮銀進賢縣志

卷九

賦役

三

戊戌補刻

比照鄰近州縣糧賦尙有懸殊奏請全免但事關額徵帑項不便輕議減免應令該府會同該督將如何酌減之處詳細確核妥議具題到日再議再該撫奏稱大江坍陷沙糧賠累艱難此項應免之額如蒙

恩允臣卽親身丈量核實確數另行題報等語查雍正元年臣部議覆內閣交出密陳內稱瀕江近海之區坍漲固所不免定例十年清丈一次

苦隱占之弊

若遇有坍者卽行豁免漲者卽行陞科

等因奉

旨依議欽遵通行在案今該撫旣稱大江有坍陷沙糧賠累艱

難之處亦應令該撫卽行查丈核實確數照例具題可也

戶部議減浮疏臣等查得陞任江西巡撫俞兆岳疏稱江西南昌府屬浮糧一案據布政使革職留任刁承祖詳稱南郡所屬七州縣原共浮銀壹拾玖萬伍千壹百貳拾貳兩零迨雍正元年照高安等縣科則計算應減銀壹拾伍萬壹千玖拾玖兩零內減去一半銀柒萬伍千伍百肆拾玖兩零民力固已舒徐而比之瑞袁等府現徵之數尙屬多寡不一民未免猶存望減之思但國帑所關從中籌酌請於前次減存一半數內再酌減銀叁萬柒千柒百柒拾肆兩零其餘仍令徵輸庶所減於正額無多閭閻愈覺寬裕應請題准之後另造減徵細冊送臣部

進賢縣志

卷九

賦役

三

戊戌補刻

查核於乾隆元年爲始減徵至各屬坍塌沙糧前值禾苗在地須於秋收之後方可丈量不能四個月限內回報今現在飭差查丈併題明寬限俟告竣之日另行造冊呈送核題等因與臣會核無異相應一併具題統聽部議臣謹會江南督臣趙宏恩合詞具題等因前來查南昌府屬浮銀一項於雍正元年經前撫臣裴率度奏請減免臣部議覆行令該督撫比照隣府州縣徵收銀兩酌量減免旋據該督撫將南昌府屬之七州縣比照瑞屬高安上高之例按則核算通共該減銀壹拾伍萬壹千玖拾玖兩零爲數太多題請酌減經臣部議奏蒙

世宗憲皇帝格外施恩已減去銀柒萬伍千伍百肆拾玖兩零

其餘一半銀兩編定額數照舊徵輸在案復於乾隆元年四月
內據陞任巡撫俞兆岳以南昌府屬七州縣實徵銀兩比照隣
近州縣糧賦尚有懸殊其未免一半浮糧奏請全免經臣部議
覆事關額徵帑項不便輕議減免行令該督撫將如何酌減之
處詳細確核妥議具題去後今陞任巡撫俞兆岳雖稱請於前
次減存一半數內再酌減一半銀叁萬柒千柒百柒拾肆兩零
其餘仍令徵輸庶所減於正額無多而閭閻愈覺寬裕等語但
查減免錢糧攸關國帑自應詳細核明以憑定議今疏內並
未將南昌府屬七州縣田地之肥瘠科則之輕重與隣近之州
縣糧賦如何懸殊並作何按則酌減之處分晰聲明其攤減銀
兩各款細數又未確核造報臣部難以懸議應令該撫岳濬會
同該督將南昌府屬浮糧銀應否酌減之處確查妥議分晰造
冊具題到日再議至所稱各屬坍陷沙糧不能依限查丈之處
應如所請准其寬限俟查丈清楚之日照例題報可也等因於
乾隆二年三月初七日題本月初九日奉

旨依議

府志

大學士朱軾謝表欽惟我

皇上盛德同天至仁育物撫萬方之版籍無時不念其艱難
運四海之樞機每事必圖其久大重農貴粟唯藏富於窮簷
給復蠲租頻推恩於稔歲猶念江右素稱瘠壤南昌復有浮

糧計畝升科數猶踰於他郡按圖考賦事實起於前明我
皇上特沛新綸酌裁舊額寬四百年之成賦垂億萬載之洪
仁減維正之供留諸百姓布非常之德惠此一方蒿祝喧天
歡聲遍野涵濡

帝澤與章水而同深瞻仰

天顏比廬峯而更峻臣等身依北闕籍隸西江詔令傳於禁
中欣喜出於望外乾坤怙冒盡大地以無私雨露栽培在此
邦爲尤渥歡欣靡極歌頌難名傾葵藿之微誠常隨化日率
粉榆之舊里共樂清風臣等謹合詞恭謝
天恩不勝懽欣感戴之至

進賢縣志

卷九

賦役

四

朱徽跋請蠲浮糧疏後謹按南昌一郡浮糧蓋與瑞袁俱受
僞漢竊據之害煩刑倍斂加宋元舊額數倍明初因仍莫之
敢控恭遇

國朝定鼎與海內更始救民水火而解其倒懸真千載一時
也前此雖有疏籲及之者或以方寓未平曠恩懸而有待或
因兵革旁午同事未獲均霑自入

清以來民力竭於追呼官吏困於叅罰又十九年我總督官
保張公恣然傷之及受

命撫江右加意民隱攷晰利弊如建營房以處戎旅造紅船
以利接濟立馬棚以便喂飼布塘泚以扼要害免五六七年

之漕折減袁臨吉屬之荒賦酌六十八萬之帶徵以致饑歉
捐賑旱澇請蠲興賢育秀飭吏驅殘諸善政次第畢舉向之
竭疲欣欣咸有起色而公猶以爲浮額不釐南郡之患終未
已也非我

聖主孰與忠言其在今日責將誰諉於是與諸藩臬大夫郡
邑守長廣資博訪是究是圖合七屬之懇情援二府之新例
考志乘之確記得賦役之舊科講若畫一務在必行又適奉
上傳察明朝仇怨地方錢糧科重緣由公曰言之此其時矣
乃具疏擇期拜發會

今上新御極公晉擢督府未遽上然士民竊傳聞公奏中語

剴切詳明如讀太息之疏繪監門之圖至於嘆息泣下公亦
無日不惕惕怔怔手此一編出入懷袖常若朝有封事問夜
如何者蓋積之久而念之慙匪伊朝夕矣是年改元受計右
伯王公巡憲周公代覲行公屬以地方事宜守土臣例當敷
陳無過於此令得下部移覆則前草較然具在斯舉而行之
可必得也其年正月大中丞董公適至繼公巡撫之任先後
事寄應如枹鼓蕭規與曹隨志同爲國房謀而杜斷無非愛
民一以紓數年圖維之苦衷一藉爲受事入告之首務朝上
夕報悉得如請噫是舉也當王公條陳之始未敢遽望全蠲
逮部議推移之時幾於概行寢格豈謂

綸音再霑獨出

睿裁會疏覆題頓邀

恩賚捐數十萬之脂膏起三百年之宿疾

主德臣忠民命國脈胥於此驗焉原夫應

詔入告實繇積年講求之熟而

愈不待時亦以覆覈考據之詳也昔禹稷際堯舜共襄唐虞之休伊且遇武湯克致殷周之績古大臣所以奮庸熙載躋一世於泰階未有不發於中心見諸行事者故孟子推本其當日致君澤民閔皇弗給之意而皆約之於思思由已溺饑也思若已推納也不得則思夜以繼日得之亦思坐以待旦

進賢縣志

卷九

賦役

聖

如是而有不上通天心下合輿望者渺矣余觀公於是舉殫七年之精力萃諸大夫之謀猷咨於耆老詢及庶人援今而證古慮始而圖終爲之旁皇審視爲之躊躇四顧真有若饑渴納溝壑繼日待旦之不啻者此其心豈有異於禹稷伊周之心哉至上下當事自藩臬以及郡縣無不共秉此心以爲上爲德爲下爲民貽永賴於斯郡甚厚則又足見公之集思而廣益厚下而安人故將使薄賦輕徭刑清政簡家給人足易俗移風宜乎

朝廷所以待公與董公者言聽計從而特以南顧之重付一德同心之臣則明良喜起咸五登三之景運不於是再覲哉

先是闔郡紳士謀共建絃歌之地以代尸祝業蒙遜謝不允乃以蠲浮之疏勒之於石會郡志告成復編入之併撫江奏議凡錢糧兵馬興革事宜附錄焉小子因得備觀公疏攬其行事仰見公心卽古大臣之心主於致君澤民而已矣故不揣爲之跋云

府志

謚名臣跋請蠲浮糧疏後江右南昌暨瑞袁三府受浮糧之苦者三百餘年矣始自僞漢竊據妄增賦額相沿至今未改迨我

清定鼎澤遍寰區瑞袁業已奉

旨蠲除而南屬諸邑環附會城方兵燹之餘人民未輯圖書

進賢縣志

卷九

賦役

聖

冊籍一時散佚莫稽故未遑同瑞袁舉行總督宮保張公奉命鎮撫茲土察吏安民鴻猷釐舉一十三郡靡不沐浴雅化而南昌尤屬駐節地見聞所及較他郡尤爲親切首念浮糧之累大疲我民乃亟圖爲請命甦此重困時余承乏掖垣聞公有是舉竊心誌焉嗣右藩王公巡憲周公以奏績抵京爲余具述其事且云公惓惓德意殫極圖維乃繕疏已成會世廟升遐暫遲時日余感二公言嘆服者久之更私爲地方慶幸然猶弗敢倖冀也未幾而王公體公意以陳言矣奉旨下部覆者再未幾而公與大中丞董公會疏具進矣余時告養歸里門讀公疏剴切詳明言言碩畫始憶七屬積困經

數百年無告者非廣容博採需以歲月未易洞悉原委何公不踰時而竟若取諸懷抱瞭然指掌益知公之熟計而審處者非一朝一夕之故也今蒙

兪旨遺頒准如袁瑞一體蠲免闔郡士民卽已登春臺飲天醇大哉

王言一哉

王心浩浩蕩蕩真莫能名然非公與董公惻癯之深謨謀之切指陳利弊之周到援引古今之詳悉亦烏足以格

帝聽而渙

皇仁下令如流水之速哉今其疏具在煇煇炳炳雲漢爲昭

進賢縣志

卷九

賦役

四

謹以勒石國門茲且列諸郡乘令千百世後食利嚮德長享太平者讀二公之文章想見二公之爲人亦皆永矢弗諼云按南昌一府浮糧至十餘萬最爲民累

國朝定鼎之初革除明季流弊仰賴

列聖相承惻癯惻念

特允地方大吏陳請次第蠲豁飲和食德百有餘年樂利之休可繇萬禩茲備錄督撫疏稿部覆以志

休明之盛事云
以上乾隆府志

奉

憲禁革勒派保正碑文

特授南昌府進賢縣正堂加五級又隨帶加二級紀錄三次

抄奉

署南昌府事撫州府正堂加十級紀錄十次趙

為

違例滋擾等事案奉

欽命江西等處承宣布政使司布政使加十級紀錄十次邵

署理江西等處提刑按察使司總理驛務事鹽法兼巡瑞

袁臨道加五級紀錄五次衡 牌開奉

署總督部堂岳 巡撫 部院張批本司等會詳進賢縣民王清懷江景爵

等具控書差勒派保正催糧雇夫議請禁革緣由奉批如

詳飭遵等因行府奉此業經抄詳檄飭該縣遵照辦理在

進賢縣志

卷九

賦役

賦

案今據王清懷呈請給示自行勒石永禁等情合行給示

勒石為此示仰進賢縣里民人等知悉嗣後該縣徵收錢

漕聽從花戶自行按限完納不得責令保正代催亦不得

另設甲長甲首爾花戶人等務須年清年款毋得任意抗

欠至該縣遇有差使額夫不敷應付添雇鄉夫帮辦之處

照議先期着令夫頭往鄉雇覓夫價飯食該縣捐給毋許

着令保正協雇以杜弊端該鄉夫等亦不得刁難勒索致

干查究各宜

凜遵毋違特示

嘉慶五年五月

日示

此碑於是年豎立
縣署頭門左邊

江西通省督糧兼巡南撫建道爲欽奉事今將江西省各屬未完道光十年隨漕兵折屯糧正耗銀兩欽奉

恩旨豁免查明實在民欠請豁銀數開造清冊呈送查核施行須至冊者

今開

進賢縣

道光十三年漕項奏銷隨奏案內造報未完道光十年隨漕銀一千九百七十四兩八錢三分四厘耗羨銀一百九十七兩四錢八分四厘

今截至道光十五年八月初九日止

進賢縣志

卷九

賦役

六

據該縣刪報已徵完隨漕銀一千五百七十五兩七錢五分六厘隨耗銀一百五十七兩五錢七分五厘前件於奏銷內後解過隨漕銀五百兩隨耗銀五十兩又已徵未解隨漕銀一千七十五兩七錢五分六厘隨耗銀一百七兩五錢七分五厘查係挪墊歷年民欠錢糧等款於挪墊冊內開報另行奏請辦理外實在未完民欠十年隨漕銀三百九十九兩七分八厘隨耗銀三十九兩九錢九厘應請豁免

進賢縣

道光十三年漕項奏銷隨奏案內造報未完道光十年分被

水緩征正副漕米二千九百五十四石五斗七合七勺又隨止緩征贈耗等米一百三十九石五升五合一勺

道光十三年漕項奏銷隨奏案內造報未完道光十年分被水隨正緩征贈耗等銀一百三十兩一錢三分一厘又隨正緩征漕米耗羨銀二十九兩五錢四分五厘

今截至道光十五年八月初九日止

據該縣冊報前件未完實係民欠應請豁免

進賢縣

道光十四年奏銷隨奏冊報未完道光七年民欠地丁銀一千六百七十二兩八錢七分八厘耗羨銀一百六十七兩

進賢縣志

卷九

賦役

畢

二錢八分六厘

今截至道光十五年八月初九日止

據該縣冊報已徵完地丁銀六百六十三兩七錢八分二厘耗羨銀六十六兩三錢七分七厘查係挪墊歷年民欠漕米另行奏請辦理外實在未完民欠地丁銀一千九兩九分六厘耗羨銀一百兩九錢九厘應請豁免

進賢縣

道光十四年奏銷隨奏冊報遞至道光十九年帶征十年緩征地丁銀四百八十九兩八錢一分六厘耗羨銀四十八兩九錢八分二厘

今截至道光十五年八月初九日止

據該縣冊報並無征收實在未完民欠地丁銀四百八十九兩八錢一分六厘耗羨銀四十八兩九錢八分二厘應請豁免

進賢縣

道光十四年奏銷隨奏冊報遞至道光二十年帶征十年緩征地丁銀四百八十九兩八錢一分六厘耗羨銀四十八兩九錢八分一厘

今截至道光十五年八月初九日止

據該縣冊報並無征收實在未完民欠地丁銀四百八十

進賢縣志

卷九

賦役

巽

九兩八錢一分六厘耗羨銀四十八兩九錢八分一厘應請豁免

進賢縣

道光十四年奏銷隨奏冊報未完道光十年民欠地丁銀三千六百九十五兩八錢三分四厘耗羨銀四百十七兩五分

今截至道光十五年八月初九日止

據該縣冊報已征完地丁銀一千四百七十一兩七錢一分五厘耗羨銀一百四十兩四錢八分查係鄒塾歷年民欠漕米另行奏請辦理外實在未完民欠地丁銀二千二

百二十四兩一錢一分九厘耗羨銀二百七十六兩五錢七分應請豁免

進賢縣

道光十四年奏銷隨奏冊報未完嘉慶二十三年民欠折色銀五百四十一兩七錢五分一厘

今截至道光十五年八月初九日止

據該縣冊報已征完折色銀五百四十一兩七錢五分一厘查係挪墊歷年民欠地丁等款另行

奏請辦理外實在並無民欠

進賢縣

進賢縣志

卷九

賦役

五

道光十四年奏銷隨奏冊報未完嘉慶二十四年民欠折色銀五百四十一兩七錢五分一厘

今截至道光十五年八月初九日止

據該縣冊報已征完折色銀五百四十一兩七錢五分一厘查係挪墊歷年民欠地丁等款另行奏請辦理外實在並無民欠

進賢縣

道光十四年奏銷隨奏冊報未完嘉慶二十五年民欠折色銀五百四十一兩七錢五分一厘

今截至道光十五年八月初九日止

據該縣冊報已征完折色銀四百三十一兩二錢二分九厘查係挪墊歷年民欠漕米奏請辦理外實在未完民欠折色銀一百一十兩五錢二分二厘應請豁免

進賢縣

道光十四年奏銷隨奏冊報未完道光元年民欠折色銀五百四十一兩七錢五分一厘

今截至道光十五年八月初九日止

據該縣冊報已征完折色銀三百九十二兩六錢七分四厘查係挪墊歷年民欠漕米奏請辦理外實在未完民欠折色銀一百四十九兩七分七厘應請豁免

進賢縣志

進賢縣

道光十四年奏銷隨奏冊報未完道光二年民欠折色銀五百四十一兩七錢五分一厘

今截至道光十五年八月初九日止

據該縣冊報已征完折免銀一百六兩八錢九分三厘查係挪墊歷年漕米另行奏請辦理外實在未完民欠折色銀四百三十四兩八錢五分八厘應請豁免

進賢縣

道光十四年奏銷隨奏冊報未完道光五年民欠折色銀五百四十一兩五錢八分

今截至道光十五年八月初九日止

據該縣冊報並無征收實在未完民欠折色銀五百四十
一兩五錢八分應請豁免

進賢縣

道光十四年奏銷隨奏冊報未完道光六年民欠折色銀五
百四十一兩五錢八分

今截至道光十五年八月初九日止

據該縣冊報並無征收實在未完民欠折色銀五百四十
一兩五錢八分應請豁免

進賢縣

進賢縣志

卷九

賦役

五

道光十四年奏銷隨奏冊報未完道光八年民欠折色銀五
百四十一兩五錢八分

今截至道光十五年八月初九日止

據該縣冊報並無征收實在未完民欠折色銀五百四十
一兩五錢八分應請豁免

進賢縣

道光十四年奏銷隨奏冊報未完道光九年民欠折色銀五
百四十一兩五錢八分

今截至道光十五年八月初九日止

實在未完民欠折色銀五百四十一兩五錢八分應請豁免

免

進賢縣

道光十四年奏銷隨奏冊報未完道光十年民欠折色銀五百四十一兩五錢八分

今截至道光十五年八月初九日止

據該縣冊報並無征收實在未完民欠折色銀五百四十一兩五錢八分應請豁免

進賢縣

道光十四年奏銷隨奏冊報遞緩至十六年帶征道光四年出借三年被水無力農民籽種免息未完穀一千九百七

進賢縣志

卷九

賦役

五

十四石五斗五升

今截至道光十五年八月初九日止

據該縣冊報並無征收實在未完民欠籽種穀一千九百七十四石五斗五升應請豁免

附錄劉中丞 坤一 奏請獎敘並加廣文武學額摺稿

奏爲進賢縣紳民辦理團練捐輸防剿經費請

旨勅部分別獎敘並加廣文武學額以昭激勸恭摺仰祈

聖鑒事竊查前准戶部咨欽奉

上諭嗣後各省捐輸團練各官紳祇准議給虛銜封典加級紀錄等項不得再請實在官階以示限制捐項照現行常例加四分之一核算並由該督撫先將捐咨若干勇數若干起止日期支銷數目報部核銷再行准請給獎等因欽此又准戶部咨現在同治三年六月以前各處辦理軍需未經報銷各案准將收支款目總數分年分起開具簡明清單奏請存案免其造冊報銷團費事同一律所有同治三年六月以前團練經費應一併免其造冊報銷以歸畫一等因具奏奉

進賢縣志

卷九

廣額奏稿

三

戊戌補刻

旨依議欽此移咨將以前團練未經報銷各案收支款目總數開具清單送部備查等因在案茲查進賢縣紳民辦理團練協助防剿保守城池並越境應援克復東鄉撫州各城迭著成效非僅自衛村莊可比所有支給勇糧並造軍械等項自咸豐三年五月起至同治三年六月止共用銀二十八萬五百二十四兩據該縣造冊呈由總局司道核明開具支銷各款總數清單詳請具

奏前來臣查進賢縣紳民辦團練防勤著有成效所需經費概由紳富經辦並未動用正款洵屬好義急公其捐輸各戶願得貢監職銜

封典者自應欽遵

諭旨照常例銀數各加四分之一請獎臣謹將合例應敘各捐生開列清單恭呈

御覽零星捐數不敷議敘者毋庸置議至所捐經費除外屬紳民不計外合邑紳民共捐銀一十八萬八千一十五兩內以九萬兩加廣進賢永遠文武學額九名又以九萬八千兩加廣該縣一次文武學額各四十九名以廣

進賢縣志

卷九

廣額奏稿

五十四

戊戌補刻

皇仁而作士氣其歲科兩試應如何分居取送聽候部示遵行餘贖銀兩容俟該縣續有別項捐輸歸併辦理除將支銷總數清單並紳民捐輸數目年貌籍貫履歷清冊送部外理合會同大學士兩江督臣曾國藩恭摺具奏伏乞

太后

皇上聖鑒勅部核覆施行謹

奏

同治六年十二月十八日行

